

REGLUGERÐ

79

3. maí

fyrir Tryggingarsjóð sjómanna og útgerðarmanna í Bolungavík.

1. gr.

Sjóðurinn heitir Tryggingarsjóður sjómanna og útgerðarmanna í Bolungavík. Tilgangur sjóðsins er að tryggja sjómönnum og útgerðarmönnum í Bolungavík lágmarkstekjur.

2. gr.

Tekjur sjóðsins eru:

- 2% af brúttó línuveiðaafla allra báta þriggja lesta og stærri, sem gerðir eru út frá Bolungavík.
- Framlag rikissjóðs, samkv. lögum nr. 109/1943, um hlutatryggingarfélög, 0.7% af sama afla og undir a-lið að ofan.
- Eignir Tryggingarsjóðs sjómanna í Bolungavík renna allar inn í sjóðinn, samkvæmt þessari reglugerð.
- Óvissar tekjur.

3. gr.

Í lok hvers tryggingartímabils skal af óskiptum afla skipa, samkv. 2. gr. a) greiða 2% af verðmæli aflans í óverkuðu ástandi til Tryggingarsjóðsins. Útgerðarmaður sér um greiðslu gjalds þessa, og skoðast það geymslufé, eftir að skipti hafa farið fram. Lögreglustjórnin í Bolungavík innheimtir gjaldið, og gera má lögtak í eignum útgerðarmanns fyrir því. Ríkissjóður greiðir framlag í Tryggingarsjóðinn, sem nemur 0.7% af sama aflamagni og iðgjöld hinna tryggðu miðast við, eða 35 kr. á móti hverjum 100 kr., sem þeir greiða í sjóðinn.

4. gr.

Þegar hlutir sjómanna á bát, sem tryggður er í sjóðnum, nema ekki því lágmarki, sem þeim er tryggt með kjarasamningi sjómanna og útgerðarmanna hverju sinni, skal þeim bætt það, er á vantar, af fé sjóðsins. Enn fremur skulu útgerðarmönnum bættir hlutir skips, þó þannig, að aldrei sé greitt til hvers skips meira en nemur 35 kr. móti hverjum 100 kr., sem sjómönnum á sama skipi er bætt samanlagt, þótt hlutir skipsins séu fleiri að tiltölu en hér segir.

Enginn sjómaður fær bættan nema einn hlut.

5. gr.

Trygging sjóðsins tekur einungis til línuveiða.

Tryggingin tekur einungis til báta, sem hafa á að skipa a. m. k. eðlilegri áhöfn og búnaði. Stjórn sjóðsins sker úr um, hvort svo sé.

Tilkynna skal stjórn sjóðsins, er bátur byrjar róðra, og ætlazt er til, að trygging á hlutum hans hefjist.

Tryggingartímabil skulu vera þrjú, frá ársbyrjun til júniloka, frá júlíbyrjun til ágústloka og frá septemberbyrjun til ársloka. Skal hlutarbótin miðast við heildarhlut innan hvers tryggingartímabils.

6. gr.

Sjómönnum og útgerðarmönnum báta 3 til 5 lesta að stærð skal aðeins bættir $\frac{1}{2}$ úr lágmarkshlut sjómanna á stærri bátum, skv. gildandi kjarasamningum og útgerðarmönnum þeirra báta aldrei meira en 25 kr. á móti hverjum 100, sem sjómönnum þeirra eru bættar,

79
3. maí

7. gr.
Sé hlutartrygging hærrí í Bolungavík, samkv. kjarasamningum sjómanna og útgerðarmanna þar, en annars staðar á sambærilegum stöðum á landinu, svo sem á Suðurnesjum og í Vestmannaeyjum, má bættur hlutur úr sjóðnum ekki fara íram úr hlutartryggingu á þeim stöðum.

8. gr.
Þegar sjóðurinn hefur eigi yfir nægu fé að ráða til úthlutunar, skal henni hagað þannig, að jafnmikið vanti upp á hluti þeirra, sem styrks njóta, ef þeir ná 90% af umsömdum lágmarkstekjum að meðtöldu bótafénu eða meiru.

Nægi bótaféð ekki til að allir hlutir nái 90%, skal því skipt milli þeirra hluta, sem lægri eru, í beinu hlutfalli við, hve mikið vantar á, að 90% lágmarkshlutir náist. Þeir, sem hafa aflað 90% eða meira, fá þá engar bætur.

9. gr.
Nú stundar bátur eigi línuveiðar, nema hluta af tryggingartímabili, og skal þá hlutarbótin aðeins miðuð við þann tíma, sem báturinn stundaði línuveiðar. Veikist bátverji eða forfallist svo lengi, að hann tapi hlut þess vegna, skv. kjarasamningum sjómanna og útgerðarmanna, skal hann ekki fá hærrí hlutarbót en aðrir bátverjar.

Veikist sjómaður á tryggingartímabili eða fari af bátnum, svo að ráða verði mann í hans stað, án þess þó, að um ráðningarsvik hafi verið að ræða, skal hlutarbótin aðeins miðuð við þann tíma, sem hann hefur verið á bátnum. Flytji maður sig á milli tryggingarskyldra báta, skal hlutarbótin miðuð við samtalda hluti hans á báðum bátunum eða öllum.

Hætti bátur róðrum einn eða fleiri daga til þess að aðstoða við vöruflutninga eða vinna önnur verk, sem kaup er greitt fyrir, skal kaup bátverja talið með hlutnum, þegar uppbótin er reiknuð út.

Gangi maður úr skiprúmi, áður en ráðningartíminn er úti, án lögmætra ástæðna, fer um viðurlög þess eftir kjarasamningum sjómanna og útgerðarmanna.

10. gr.
Aldrei má úthluta meiru úr Tryggingarsjóðnum en nemur 80% af þá verandi eignum hans. Úthlutun fer fram að loknu hverju tryggingartímabili, og skulu áfallin iðgjöld og ríkissjóðstillög talin með eignum hans hverju sinni — enda þótt þau kunni að vera óinnheimt — er reiknað er út, hvaða lágmarksfjárhæð skuli eftirskilin við úthlutun.

11. gr.
Úthlutun úr sjóðnum annast stjórn hans. Útgerðarmenn skulu skyldir til að láta henni í té öll gögn, er skiptin varða til að unnt sé að ákvarða bæturnar eða sannreyna, að skiptin séu rétt.

Hlutarbæturnar skulu greiddar útgerðarmönnum, er sýni kvittanir sjómanna fyrir þeirra hlutum.

12. gr.
Stjórn sjóðsins skipa 5 menn. Sjávarútvegsmálaráðherra tilnefnir formanninn. 2 eru kosnir af hlutarsjóðmönnum í Bolungavík, sem ekki eru útgerðarmenn, á almennum fundi þeirra. 2 eru kosnir af útvegsmönnum, þar með taldir þeir hlutarsjómenn, er eiga báta sína að nokkru eða öllu leyti og gera þá út. Hefur hver útgerðarmaður 1 atkvæði á fundum þeirra. Varamenn skulu kosnir og tilnefndir á sama hátt.

Þegar reglugerð þessi hefur hlotið staðfestingu sjávarútvegsmálaráðherra, skal kjör stjórnar fara fram og því lokið eigi síðar en þrem vikum eftir að tilkynning

ráðherra um staðfestinguna barst til Bolungavíkur. Stjórnin skal kosin til tveggja ára í senn, en fyrsta stjórnin eftir þessari reglugerð, skal eiga sæti til ársloka 1949. Í desember annaðhvert ár, í fyrsta sinn 1949, skulu allir aðilar kjósa nýja stjórn, er tekur við á aðalstjórnarfundi næsta ár. Stjórnin velur sér ritara og gjaldkera, er annast fjárreiður sjóðsins.

13. gr.

Reikningsár sjóðsins er almanaksárið. Í lok hvers reikningsárs skal stjórnin senda sjávarútvegsmálaráðuneytinu reikninga félagsins ásamt skýrslu um úthlutun á árinu, hafi hún farið fram.

Reikninga skal gera í janúarmánuði ár hvert og í febrúarmánuði halda aðalstjórnarfund, þar sem reikningarnir eru lagðir fram endurskoðaðir og ákveðin er þóknun gjaldkera, innheimtumanns og endurskoðenda.

Fyrir aðalstjórnarfund skulu enn fremur lagðir gildandi kjarasamningar sjómanna og útvegsmanna, og skal þá tekin ákvörðun um bótafjárhæð, ef svo stendur á, sem um ræðir í 7. gr.

Aukastjórnarfund skal skylt að halda, ef samningum hefur verið breytt og einn stjórnarmaður krefst þess. Ella er skylt að halda stjórnarfundi við hverja úthlutun úr sjóðnum og ef tveir stjórnarmenn óska þess.

Ný stjórn tekur við á aðalstjórnarfundi, ef svo ber undir, að stjórnarskipti eiga að verða.

Öllum sjóðsfélögum er heimilt að sitja á aðalstjórnarfundum, og skal stjórnin gefa yfirlit yfir starfsemi sjóðsins á liðnu ári. Fundarmenn hafa málfrelsi um skýrsluna, og hafi endurskoðendur gert athugasemdir um reikninga sjóðsins, skulu allir fundarmenn úrskurða þá sameiginlega.

Endurskoðendur Sparisjóðs Bolungavíkur eru jafnframt endurskoðendur Tryggingarsjóðsins.

14. gr.

Fé Tryggingarsjóðsins skal ávaxta í Sparisjóði Bolungavíkur að jöfnum kjörum, ella í ríkistryggðri bankastofnun.

15. gr.

Verði Tryggingarsjóður þessi afdnuminn með lögum eða gerður óþarfur, má aldrei ráðstafa eignum hans án samþykkis hlutarsjómannanna og útvegsmanna, sbr. næstu málsg. og 1. gr. 3. mgr. laga 109/1943, og sjávarútvegsmálaráðuneytisins.

Hlutarsjómenn í Bolungavík þurfa að samþykkja þessa ráðstöfun með meiri hluta greiddra atkvæða við skriflega allsherjaratkvæðagreiðslu og fundur útvegsmanna á sama hátt.

16. gr.

Einfaldur meiri hluti ræður á bindandi hátt ályktunum á fundum sjómanna og útvegsmanna, samkv. reglugerð þessari, þar sem annað er eigi tilskilið í reglugerðinni.

17. gr.

Reglugerð þessari verður eigi breytt, nema með samþykki sjómanna og útvegsmanna í Bolungavík, sbr. 12. og 16. gr., enda staðfesti ráðherra breytinguna.

Reglugerðin gildir frá 1. janúar 1948, þar með talin ákvæði 2. og 3. gr. um iðgjöld og 4.—6. gr. um úthlutun.

Reglugerð þessi staðfestist hér með samkvæmt lögum nr. 109 30. desember 1943, um hlutatryggingafélög, og birtist til eftirbreytni öllum þeim, sem hlut eiga að máli.

Atvinnumálaráðuneytið, 3. maí 1948.

Jóhann Þ. Jósefsson.

Gunnl. E. Briem.